



O'zbekiston adabiyoti va san'ati

ЎЗБЕКИСТОН АДАБИЁТИ ВА САЊЪАТИ

Haftalik gazeta 1956-yil 4-yanvardan chiqq boshlagan

e-mail: info@uzas.uz

2016-yil 26-fevral №9 (4356)

Ўзбекистон Республикаси Президентининг ҚАРОРИ

2016 ЙИЛГИ НАВРЎЗ УМУМХАЛҚ БАЙРАМИГА ТАЙЁРГАРЛИК КЎРИШ ВА УНИ ЎТКАЗИШ ТЎҒРИСИДА

Азал-азалдан халқимизнинг эзгу ва гўзал қадриятларини, унинг олижаноб орзу-интилишларини ўзида мужассам этиб, қадим аждодларимиздан бизга ўлмас мерос сифатида безавол ўтиб келаётган Наврўзи олам мустақиллик йилларида мамлакатимизда яшайтган, миллати, тили ва динидан қатъий назар, барча ватандошларимиз орзиқиб кутадиغان, том маънодаги умумхалқ байрамига айланиб қолди.

Шарқона янги йилнинг бошланиши, табиат уйғонишининг рамзи, асл миллий, энг ардоқли байрам бўлмиш Наврўзнинг одамзоднинг табиат билан уйғун ва ҳамоҳанг бўлиб яшашида, жамиятимизда меҳр-оқибат ва ҳамжихатлик, инсонийлик, бағрикенглик ва бунёдкорлик, хайр-саховат муҳитини янада мустаҳкамлаш, ёш авлодимизни миллий аънъаларимизга садоқат ва умуминсоний қадриятларга хурмат руҳида камол топтиришдаги ўрни ва таъсири тобора ортиб бораётганини инобатга олиб ҳамда бу кутлуг айёмни юксак савияда нишонлаш мақсадида:

1.2016 йилги Наврўз умумхалқ байрамига тайёргарлик кўриш ва уни ўтказиш бўйича ташкилий кўмита таркиби иловага мувофиқ тасдиқлансин.

Ташкилий кўмита Наврўзи байрамни пойтахтимиз Тошкент шаҳрида, Қорақалпоғистон Республикаси ва вилоятлар марказларида, барча шаҳар, туман ва кишлоқларда умумхалқ сайиллари шаклида юқори даражада ўтказишга қаратилган ташкилий-амалий, маданий-маънавий тадбирлар режасини ўн кун муддатда ишлаб чиқсин ва амалга оширсин.

2.Тадбирлар режасини тайёрлашда қуйидаги масалаларга алоҳида эътибор қаратилсин:

Наврўз кунларида инсон ўзини табиат билан узвий боғланганини, унинг ажралмас бир қисми сифатида ҳис этишини ифода этади, атроф-муҳитни, она заминини ардоқлаб, унинг неъматларини, бугунги тинч ҳаётни қадрлаб, шукроналик туйғуси билан яшагга даъват қиладиган маънавий-маърифий тадбирларни уюштириш;

барча шаҳар ва кишлоқларимизда бўлиб ўтадиган тадбирларда, оммавий ахборот воситаларида Наврўз байрамининг тарихи, уни нишонлаш билан боғлиқ урф-одат, аънава ва қадриятларимизнинг моҳияти ва аҳамиятини кенг ёритиш;

Наврўзнинг руҳи ва фалсафасида ўз аксини топган

меҳр-муруват, ахиллик ва тотувлик, ёши улуг инсонлар, табаррук отахон ва онахонларни ҳар томонлама эъзозлаш, кўмакка муҳтож кишиларга беғараз ёрдам бериш билан боғлиқ хайрия тадбирларини амалга ошириш;

янги деҳқончилик мавсумининг бошланиши, яшариш ва янгиланиш, кут-барақа, ободлик ва фаровонлик рамзи бўлмиш Наврўз фаслида маҳаллаларда, шаҳар ва кишлоқларимизда хашарлар, кенг кўламдаги ободончилик ва кўкаламзорлаштириш ишларини ташкил этиш;

Қорақалпоғистон Республикаси, вилоятлар марказлари ва Тошкент шаҳрида бўлиб ўтадиган байрам дастурларига фольклор гуруҳлари, бадий ҳаваскорлик жамоалари, оилавий ансамбллар, бахшилар, шунингдек, профессионал ва истеъдодли эстрада ижрочиларини танлов асосида жалб этиш;

байрам дастурларини тайёрлашда фольклор санъатининг энг яхши намуналарини, эл-юртимизнинг дилдан чуқур жой олган қадимий урф-одатлар, эзгу инсоний туйғуларни тараннум этадиган мумтоз куй ва қўшиқлар, ўлан ва лапарларга кенг ўрин бериш.

3.Белгилаб қўйилсинки, ўтказиладиган байрам тадбирлари:

Қорақалпоғистон Республикаси бюджети ва вилоятларда маҳаллий бюджетлар ҳамда жойлардаги ҳомийлик хайрия маблағлари ҳисобидан;

Тошкент шаҳрида республика бюджети ва Тошкент шаҳар маҳаллий бюджети маблағлари ҳисобидан тенг улушларда қопланади.

4.Ўзбекистон Миллий ахборот агентлиги, Ўзбекистон Миллий телерадиокомпанияси, "Жаҳон" ахборот агентлиги ва бошқа оммавий ахборот воситаларига Наврўз умумхалқ байрамига тайёргарлик кўриш ва уни ўтказиш бўйича амалга ошириладиган ишларни атрофлича ёритиб бориш тавсия этилсин.

5.Маъжур қарорнинг ижросини таъминлаш Ўзбекистон Республикасининг Бош вазири Ш.Мирзиёев зиммасига юклансин.

Ўзбекистон Республикаси Президенти **И.КАРИМОВ**

Тошкент шаҳри,
2016 йил 19 февраль



“Ҳар баҳорда шу бўлар такрор...”

ЗУЛФИЯ, Ўзбекистон халқ шоири

ТОҶТ СУРАТЧИ

Мендан бошланади уйда уйғониш,
Зеро, уйқу нима билмаган жонман.
Менга жуда мушкул яшайдан қониш,
Сафардан бир нафас тинмас карвонман.

Тонг сувратин чизмоқ бўламан ҳамон,
Юрак тўлқинига етмайди ранглар.
Табиат нақ шу кун туғилгансимон,
Ҳар гал ҳаммаёқда янги жаранглар...

Ё Раб!
Тўп-тўп... Бу не мўъжиза, рўё,
Томирларда сездим баҳорги ирмоқ.
Ҳаёт ибтидоси каби бу садо,
Наҳот, бўлди тандан чарчовни кувмоқ.

Ўгирилиб қарайман: Маъсум мўъжиза:
Бу — менинг набирам! Бошлабди қадам.

Мисли шўҳ айиқча, полапон, жүжа —
Овдир-довдир йўлини бошларкан одам.

Лапанглаб одимлар... борлиги журъат,
Нақ паға булутга тушар оёқлар.

Кўнгил минтақаси

Мурғак, муштдай жонда бир ҳаёт, қудрат.
Тонг рангда шафтоли, момик ёноқлар,
Оғзи, кўзларидай очиқ кенг қулоч,
Набирам қадамлар
Ёш дорбозсимон.

Лангардай елпийди икки қўлини.
Асп! Қоңқаларинг борлигича оч,
Бу кекса заминда яна бир инсон
Тонг билан бошлабди буюқ йўлини.

Билмайман!
Бу нотинч она жаҳонда
Шу тонг йўлга кирди не сон минг гўдак?
Кимнингдир ilk йўли йўқолди қонда,
Ёт, изғиқ муҳжир ўқ этди жувонмарг.

Менинг набирам-са кекса дунё-ла
Тиллашмоқни бошлар қушдай ҳижжалаб.
Гўдак, тонг — ибтидо асл маъно-ла
Бизлардан ҳимоя,
фаросат талаб...

ЙИГИРМА БЕШИНЧИ БАҲОР

Баҳор бу гал ҳар йилгидан эрта келди. Шоирлар қофияларига қор тополмай, унга интиқ бўлиб, ёғиб қолармикан, дея тонгни кутгунларича у ёғи Термиз, бу ёғи Тошкентда бир кечанинг ўзидаёқ бодом ва ўриклар қийғос гулга кирди. “Қори ҳам, ёмғири ҳам Худодан”, дейди кексаларимиз. “Қишини берган, баҳорини ҳам беради”, дея момолар яхши ният қилишади.

барча изибобларияу қувончаларини биз ўз юрагимиздан, жон-жонимиздан ўтказиб, ҳеч кимдан муттаҳам бўлмай, ҳеч кимнинг олдида елкамиз қисинмай йигирма бешинчи баҳорга қадам қўймоқдамиз. Жаҳон айвонида озод юртимиз байрогининг ўз мақоми ва ўрни бор.

Йигирма бешинчи баҳор. Йигирма беш йил бурун...

Давлатимиз раҳбарининг бундан йигирма беш йил бурун айтган, “Ўзбекистон мустақилликка эришиш остонасида” китобига киритилган “Мустақиллик — энг аввало, халқ бирлиги ва ҳамжихатлигидир” маърузасида ўқиймиз: “**Фурури бор одамнинг қадди рост, боши баланд бўлади. Олдимизда турган улкан, жуда оғир вазифаларни бажариш, муаммоларни ечиш, катта синовлардан ўтиш — буларнинг ҳаммаси халқимизнинг руҳини, миллий**


гурурини тиклаш билан боғлиқдир.

Ўзбекистон мустақиллик йўлига ўтар экан, авваламбор мана шундай масалаларни ечишда ўзини кўрсатиши керак. Четдан келиб халқимиз тақдирини ҳеч ким ҳал қилмасин”.

Биз ана шундай ҳавотир ва ишончлардан ўтиб келдик. Азму шижоатимиз боис, қатъий ва мардона тутган йўлимиз тўғрисида муҳлати синовлардан хайиқмай ўз мустақил давлатимизни барпо этдик. Янада қаттароқ, улуғвор ишлар балоғат ёши, камолот палласидан бошланади. Баҳор ва Наврўз шудухи, улуғ ниятлару мақсадлар саодати муборак бўлсин, азиз ватандошлар. Бахту толенгимизнинг йигирма бешинчи баҳори ҳаммамиз учун қутлугу келсин!

Тахририят.

Устозлар ибрати



Шуқур ХОЛМИРЗАЕВ:
“Университетнинг тўртинчи курсида ўқиб юргананда Абдулла Қаҳҳордан хат олдим. Кўп дўстларим хатни кўриб, ҳаяжонга тушибди. Айрим домлаларим мени табриқлашди. Лекин мен қандайдир ҳайронлик ичда юрдим: “Уларни шу ерда — Тошкентда яшасалар, нега хат ёзадилар?” деб ўйлардим баъзан... Баъзан ўша хатни қайта-қайта ўқиб: “Жавоб ёзсаммикан?” дердим-да, бенхтиёр қулимсираддим...”

Абдулла ҚАҲҲОР:
“Шарқ юлдузи” да босилган “Тўлқинлар” повестини ўқидим. Повесть яхши таассурот қолдирди. Маъмуржонни бошда табассум билан тасвир этасиз. Бутун асар давоминда қисқаликка интилмасиз. Ёзувчиликда кўзингиз очилиб келаётганини кўриб турибди. Назаримда, повестнинг номи тўғри эмас...”



БИЛДИРИШ

2016 йилнинг 4 март жума куни соат 11:00да Ўзбекистон Ёзувчилар уюшмасида

“БУ БОҒЛАР БИР БОҒЛАР БЎЛАДИ ҲАЛИ”

мавзусида 8 март — Халқаро хотин-қизлар байрамига бағишланган баҳор мушоираси бўлади. Шоирлар, ёзувчилар, ёш ижодкорлар ва барча қизиққанлар тақлиф этилади.

ГУВАЛАКНИНГ ПОЛВОН ҚИЗЛАРИ

Ҳа, алпларнинг онаси ҳам оддий, мунис бир аёл бўлган. Дунё тан олган ботир эрларни, Алпомиш мисоли полвон шерларни оддийгина аёл дунёга келтирган. Алп энадан дегани шундандир балки.

Аёл яратувчи, нур таратувчи хилқат. Икки олам бешигига бош уриб келажак яратади. Ахир, миллат яратмоқ ҳазилакам гапмас. Тарихий маълумотларга қараганда, Соҳибқирон бобомиз ҳам онаси, аёл ва келин, қизларини ардоқлаган, уларнинг соғлиғига алоҳида эътибор берган.

Бир пайтлар мана бу ривоятни ярами қарвон, ярами полвон бўлган юрт Ҳужаҳайронда истиқомат қиладиган отахондан ёзиб олганим.

Айтишларича, Амирнинг номдор полвони бўлиб, ном қозongan Тери полвон бир катта курашда Помуклик Хидир полвондан йиқилиб, уйига бош эгиб қайтади. Уни кўриб ҳайрон қолган полвоннинг энаси ўғлидан сўрайди:

— Болам, сени йиқитган полвон асли қаерлик?
— Помукдан, қадди-қомати афсар девни эслатади.

Ифтихор

Давоми иккинчи саҳифада.

